



MEID IN DE KROEG (un stèentje op t'raom)

Refrein (2x)

**Doe d'open de deure, doe d'open de deure
doe d'open de deure, m'n schôone meid
Doe d'open de deure, doe d'open de deure
doe d'open de deure, m'n schôone meid**

In Oud Terneuzen dao weunde n un vint

Die ao d'un cafeetje, mao vèder hèn sint
Z'n dochter stieng daor an de bar
Un schôone meid, dao zat alles an

Refrein (2x)

Op un dag kwam un vaorens hast

Die was van de schôone dochter verrast
Die vroeg geliek maor om d'r and
Mao ze zei m'n vint, waor zit joe verstand

Refrein (2x)

Mao ei j'is zinne in wa plezier
Kom dan nao sluutiengstied naor ier
Gooi dan un stèentje teeg'n m'un raom
Dan laot ik je nie buut'n staon

Refrein (2x)

Nao sluutiengstied gieng die gast op pad
Nao da kroegje in Terneuzen stad
Die gooid'n un stèentje teeg'n d'ur raom
In wachtte tot de deure open zou haon

Refrein (2x)

De deure hieng oop'm, in zôas ze dao stieng
Alleen in d'r naovel, dao droeg ze un rieng
Kom binn'n mee zachte stem zei ze toen
Sloeg un êrm om z'n nek in gaf t'um un zoen

Refrein (2x)

Die vaorens hast bleef de n'èèle nacht
In wier s'morhens trug op ut schip verwacht
die verteld'n toen, zôas da kan gaon
Oov'r die meid in t'stèentje op t'raom

Refrein (2x)

In oud Terneuzen, de volhende nacht
Stieng d'r twintig man bie de kroeg op wacht
Nao sluutiengstied un stèentje op t'raom
In ze liet t'ur genèene buut'n staon

Refrein (2x)

Kom j' in Terneuzen laot of vroeg
Gao dan op zoek nao die bruune kroeg
Gooi maor un stèentje teeg'n d'ur raom
In ze laot je echt nie buut'n staon

Refrein (3x)

**April 2012 Tekst Jan Hamelink©
Melodie 'Yarmouth town'**